

625
1443


Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

Bosnia and Herzegovina
Federation of Bosnia and Herzegovina

CANTON SARAJEVO
Cantonal Administration for Inspection Issues



Broj: 14-02-04-01998/20
Sarajevo, Maj 19. 2020. godine

Bosna i Hercegovina
Federacija Bosne i Hercegovine
KANTON SARAJEVO
SKUPŠTINA KANTONA SARAJEVO
(Na pažnju, predsjedavajućeg, Mirze Čelika)

PREDMET: Odgovor na zastupničko pitanje broj: 01-04-10308-26/20 od 23.04.2020. godine postavljeno od strane zastupnice Neire Dizdarević - dostavlja se;

Zastupnica Neira Dizdarević, na 24. Radnoj sjednici Skupštine Kantona Sarajevo, održanoj dana 23.04.2020. godine, u okviru tačke Dnevnog reda "Poslanička /zastupnička pitanja, inicijative i odgovori" a u skladu sa Poslovníkom Skupštine Kantona Sarajevo, postavila je zastupničko pitanje koje glasi

" Da li je izvršen inspekcijski nadzor u H-M-K Promet doo Sarajevo, ulica Safeta Zajke br. 109po prijavi više građana zbog potrošnje nepoznatog goriva i zagađivanja zraka, te molim da me obavijestite o utvrđenom stanju prilikom nadzora i poduzetim mjerama. "

ODGOVOR

Kantonalna uprava za inspekcijske poslove je početkom 2020. godine zaprimila više prijava građana kojim se traži inspekcijski nadzor nad firmom HMK Promet doo na lokaciji u ulici ul.



web: <http://kuip.ks.gov.ba>, mail: kuip@kuip.ks.gov.ba
Tel: + 387 (0) 33 770-100 (centrala)
+ 387 (0) 33 569-870 (direktor)
Fax: + 387 (0) 33 770-151, + 387 (0) 33 569-890
Sarajevo, Aleja Bosne Srebrene bb

Safeta Zajke br. 109 , radi, kako je navedeno u istim, loženja nepoznatih materija koje stvaraju dim iz dimnjaka i time uzrokuju zagađenje.

Postupajući po zaprimljenim prijavama koje se odnose na naprijed navedenog subjekta kontrole i iste navode, po službenoj dužnosti pokrenut je postupak nadzora kantonalne inspekcije zaštite okoliša broj: UP-1-14-06/05 -19.2.-00783/20-MŠ.

Tokom provedenog postupka dana 23.01.2020. godine izvršen je inspekcijski nadzor na licu mjesta i utvrđeno slijedeće:

Subjekt nadzora na navedenoj lokaciji obavlja djelatnost sušenja, cijepanja i prodaje ogrijevnog drveta. U samostalnom građevinskom objektu instaliran je kotao snage 90 kW, a kao energent se koristi ogrijevno drvo. Inspektoru je predložen na uvid monitoring emisije polutanata u zrak koji je rađen 2018. godine.

Obzirom da je subjekt nadzora dužan jednom godišnje raditi monitoring emisije polutanata u zrak, a da je isto propustio učiniti u 2019. godini, utvrđen je prekršaj. Za utvrđeni prekršaj inspektor je 10.02.2020. godine izdao dva prekršajna naloga u ukupnom iznosu 1.500 KM (za pravno lice i odgovorno lice u pravnom licu). Pored toga, postupajući inspektor je 10.02.2020. godine donio rješenje kojim je "HMK Promet" d.o.o. naređena izrada monitoringa putem akreditovane firme.

Subjekt nadzora je dana 28.02.2020. godine dostavio ovoj inspekciji Izvještaj o mjerenju emisije zagađujućih materija u zrak za HMK Promet d.o.o., urađen u februaru 2020. godine putem akreditovane firme "Inspekt RGH" d.o.o. Sarajevo. U zaključku izvještaja stoji: "Na osnovu izmjerenih koncentracija zagađujućih materija u zrak iz stacionarnih izvora za "HMK promet" d.o.o. Sarajevo, izvršenih dana 24.02.2020. godine, može se zaključiti da ovako dobijene vrijednosti ne prelaze granične vrijednosti emisija, propisane važećim zakonskim i podzakonskim normama."

Time je subjekt nadzora postupio po rješenju inspektora. Podnosiocima zahtjeva dostavljena je informacija o provedenom postupku i poduzetim mjerama.

S poštovanjem,

Dostavlja se:

1. Predsjedavajući Skupštine KS
2. Sekretar Skupštine KS
3. Sekretar Vlade KS
4. a/a



DIREKTOR

Fahir Halilović



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb